

中國郵政特准掛號認爲新聞紙類

每月三期逢一日出版

送生救利

中華民國二十一年四月一日

第二十八人

▲本社徵文廣告

海內名家如有鴻著偉論發揮國計民生道德實業者無論著論譯論本社均極歡迎一經登載必有相當之報酬惟原稿概不退還乞注意

▲本社啓事一

本報除指定各機關外如承各界購閱者祈先將報費郵寄或專訂以便按期寄送

▲本社啓事二

本報每月出版二期如有願登廣告者價極從廉用表歡迎價目表填附册尾

▲本社啓事三

各界諸君有介紹本報告白者本社給予二成酬金但此項告白於交稿時須連同所需刊費交齊方准照登如關於名譽或其他重要事件者須覓保及介紹人完全担保以免糾葛



目錄

●論說

論董法長之財政大參案

●國外要聞

埃及獨立矣

美國發展對外貿易

日代表關於中國之談話

●國內要聞

財政大參案近訊

延坪日警武裝越界交涉

●專件

目錄

● 山東條約披露

● 遊記

海寧觀潮記 (仲魚)

● 談叢

學稼軒詩話

著高跟鞋之害 (陳竹心女士)

● 瑣聞

不准外人測繪險要

部令保存古蹟

法校遷移地點確定

令催挈俄僑數目

吉長路派員購鎗

改良農業計畫



論說

●論董法長之財政大參案

一國之財政猶人身之血脉也未有血脉淤塞而人無病者亦未有財政枯竭而國家能永存者專理之常無稍或爽我中國自近數年來財政紊亂已臻極點賦稅增加庶民已不聊生猶復大借外債藉收備扣之利大好利權抵押殆遍膺斯任者率皆垂橐而往捆載而歸延至今日吾國財政遂愈陷於萬劫不復之境矣不謂天理未泯公道尙存董司法總長以清理短期公債委員長之資格毅然提出財政大參案歷任財長悉在被告之列一聲霹靂滿城風雨走者走逃者逃財政部人員幾無一人出而辦公夫亦大可嘔哉雖將來之能否澈底根究尙在不可知之數然當此宦海惡濁中尙有如此強項之人作懲前毖後之業未始非鉄中錚錚庸中佼佼者所謂三年不鳴一鳴驚人董氏其庶幾乎

惟是吾國官常之壞不僅財政一部已也爲董氏計急宜於財政清理之後鼓其餘勇以普通之方法進而清理政府全部之積弊無論前途若何險惡若何阻碍苟本此爲國爲民之熱誠自能得全體國民之後盾須知當時毀譽本無足憑歷史褒貶堪垂定論萬勿畏葸萬勿瞻徇爲天下法留身後名胥在此一舉惟董氏實利圖之敢翹足以俟



國外要聞

埃及獨立矣

埃及自被保護後時時爲獨立之運動近來爭執結果英國政府已居然承諾除附有若干之保留條件外對於埃及放棄保護權並以之爲獨立國而承認其主權茲將最近關於埃及獨立之交涉記述於下自去歲六月間在英國倫敦開始交涉英方面代表爲外相加宗氏埃及方面代表爲當時首相阿德利巴普亞氏交涉多日埃及代表始終強硬非常要絕對獨立以是雙方意見相去日遠交涉益陷困難據當時英國方面之主張如下（一）非惟駐兵於運河區域卽開羅阿烈基桑德利亞及其他地方英國亦有無限制的自由配置軍隊權（二）延聘英國司法顧問及財政顧問（三）駐劄有特權之英國統監埃及方面之主張如下（一）英國駐兵僅限於運河區域（二）承認財政顧問而反對司法顧問（三）反對設置有干涉埃及外交權之統監雙方意

見非常嗜馳以是倫敦交涉遂終於未得結果故埃及巴昔亞全權代表亦於十一月二十日離英返國爾時英國政府頗以此交涉未協爲遺憾至十二月三日乃由英國政府訓令埃及統監阿林比元帥添置倫敦會議說明書提出於埃及國王之前但英國案之內容如開羅新聞紙所載者埃及方面對之尤爲失望其急進派之雜克魯耳派尤爲憤激謂加宗案較密耳那案逆轉尤甚聲明英國以獨立美名之下併吞埃及一向宣言盡屬虛偽毫無信義之足云等語嗣阿德利巴昔亞內閣辭職因時局多艱故繼任內閣之組織無由出現未幾開羅附近地方又發生變亂故十二月二十二日發布戒嚴令放逐雜克魯耳急進黨七名遂惹起大暴動而埃及再陷於黑暗時代當地官憲以英印兩國之兵維持秩序至一月間前內相撒爾瓦德巴昔亞組織新閣後治安始漸恢復而英國以探詢埃及現情之故遂召阿林比元帥歸國元帥歸國後乃努力調停英埃兩政府於是英國乃下最後決心除於撒爾瓦德巴昔亞妥協案附若干保留條件外特承認埃及獨立茲特錄其妥協案之要點於左(一)英國承認埃及獨立撤廢一九一四年之埃及保護制(二)英國允許埃及組織議會(三)同意埃及人創設外交部(四)保證英帝國之交通保護(五)關於在埃及外人之保護保有權

利及權力(六)對於直接間接外國之干涉或攻擊由英國保全之

●美國發展對外貿易

美國現有為政府代表之商務專家六百人歸商部總長霍佛氏節制分駐全世界各處與國內出口商及製造商協力合作遙為應援藉圖增進美國出口貿易恢復商業上之興益並減少失業者之人數美國商人向商部長及霍佛辦公處探詢對外貿易之機會及外國市場消息者每月不下五萬起美國出口現得政府各部之協助正在全世界各地為其礦產農產及各項工廠出品徵求多數之新主顧新定單與商部相輔而行者為全國準備全部哈定總統亦極注意此事一切情形均由各部呈報國務院各閣員對於商界個人呈請諸事無不量予補助對外商務局之組織現經改作一切布置較前進步足以輔佐美商與英法意日等國出口商相競爭凡新舊成立之商業協會與商務總長暨其他政府官員開會集議幾無虛日以期今年獲得外國市場之定率較上年為多預期今年世界各處人民必踴躍購辦貨物蓋以華府大會之結果各國賦稅果能減輕或至少有早日減輕之期望則國際商務之振興自在意中美國在大戰中獲得外國定貨單之多冠於各國戰後相形亦有盈無絀上年度對外貿

易額在各國中首屈一指政府官員希望輔佐美國出口商俾今年獲與上年同一之勝利成績出口額仍爲各國之冠至於輔佐之道不外徵集關於外國市場物價需要及金融狀況等事項以爲引導其出口商與製造商之資霍佛總長之改組對外商務局共支用公款二十五萬金元將內部分爲各專科俾司關於基本出口貨品之報告以備製造家參考凡是各科日以海電與重要外國市場通消息探詢其狀況而駐外各專門代表郵書報告亦繼續而至美商部以此法分布一大隊之商業專家於全世界爲本國商人謀利益可謂無微不至蓋此等駐外專家斷非獨家商行所能供億也其各科及主管員分農具喬治貝爾氏自動機威廉歐文氏電器路屏龍昆司氏燃料亨利馬利恩氏靴鞋熟革亞德門氏木材亞山沃化姆氏食料愛德華蒙古曼氏網鐵拓爾氏工業機器華德雷斯托氏橡皮保羅柏米登氏織物愛德華批加氏特別專門品葛林氏據霍佛總長稱各該科主任與屬員均曾從事各該項工業服務有年具有專門智識經驗對外商務部之組織其主旨即在羅致此項專門人材部員中間於被勸誘捨去私家工業中美缺而就政府之聘者亦足見其急公好義做罷私利矣其自動機一科爲補助該項製造商起見特印一種小冊繙成十餘國文字說明美國製

造各種自動機輪胎及零件等之功用促外國商人之注意其他各科亦多採用同一方法美商部平時搜集承銷各類美貨之外商行名地址及其需要編列一表加以保存全國各處商人皆可隨時查詢以資參考云

●日代表關於中國之談話

日本赴華會總代表森海軍大臣加藤男乘郵船太陽丸由美歸國在船中對東京朝日新聞訪員談話云將來各國間對於輔助艦及潛航艇之築造尚有競爭之可能但最近未來則無此危險世界各國目下之財政情形不能再支出鉅大造船費將來則或有復起競爭之一日但彼時世界各國亦將再開會議而阻止之同時吾人必須改變對於戰爭之意見欲各國間勿再從事一危險之海軍競爭吾人必須先從精神上解除軍備吾對於華會所決定廢除之日本軍艦尚無切實處置計畫凡可以毀壞者必切實毀壞之俾外國不至懷疑日本之政策須毀諸艦大半將拆卸之其中一二艦則將利用打靶實習之法將其擊沈世人咸信華會限制軍備決斷之結果可以省却無數金錢實為大誤至於日本對中國政策吾意日本從前對華政策應即廢棄以在華確定日本獨占權為目的之政策究不能促進日本真利益吾人必須在中國與他國

與自由公開之競爭以拓展吾人商務日本人民慣性在外國經商而不得政府保護恒覺不安吾望政府以補助款項或低利率借款之法贊助之又同船歸國之日代表外務次長埴原氏談話云日本人民必須改變其對華態度從前所取對華政策爲一種因利乘便之政策不能持久今後必須開誠布公對付中國但改變態度非一朝一夕所能應先改變吾人對於中國之觀念吾人苟以爲一個國家除用陰秘方法之外不能發展者實爲錯誤一國而企圖以他國爲犧牲而自利其國終必失敗吾決不信日本人民缺乏能力竟不能以和平方法擴張其事業日本所需要者爲得中國原料之自由供給但就目前徵狀觀之中國尙未易表同情於此點此問題須由兩國代表將來詳細討論之中國或將反對吾人之要求但吾人必須耐心以對付之吾恪信中國遲早必悟其反對吾人要求之不智彼時兩國間之關係乃真有進步可言矣云云

國內要聞

●財政大案案近訊

關於財部方面新近大鬧之財政辭職問題與董康查帳問題已鬧到十分熱烈時候一方面烈烈烘烘大查其查一方面風流雲散各走其走相對看去自饒意味而董又各有機不措餘墨分別說去爲就列於下財政部近幾日申本已爲查帳要錢種種不利之壓迫大有門前冷落車馬稀之概目前日張孤赴津後部事更勢亂如麻不可收拾辦事人員十九均不到部聞有到者亦中心惶惶縮頭藏頭楚楚情形備極可憐乘時老董又板下面孔非澈查帳員由財政部方面負責人對質明白不可目前又由短債審查委員會平政院檢察廳三機關名義向財政部要人要總長總長不在要次長次長亦不在聞庫藏司庫藏司亦不在查蓋查帳風聲一起財部員已有戒心先經一次調卷庫藏司即早有預備趁於亦留下辭呈逃也要一走了事比及各方向財部要

人時早已連科長尋覓不得一齣空城計從新扮演矣

財長張弧既已再辭赴津則破碎之內閣局面更有顛撲零亂之勢閣議中三兩總長亦曾討論此問題大致以張弧有種種不便再回之原因似乎不便相留但第一步亦須敷衍兩子作一度之慰留第二步或以高凌霨兼署或以鍾世銘代理部務大抵解決方法或不外上述之兩途至府方態度則以於內閣首揆未解決以前對於閣員之更動似不欲斷然行之其意思殆仍以准假多少日以應付張氏之辭內閣未解決以前仍主張一種代理部務局而至外傳總統對於查帳案已勃然大怒殆恐此時尙未至真箇大怒程度也但聞鍾世銘方面尙不願代張氏負一種萬難之責任且在歷史習慣上只辦鹽務署事至果否屬之誰氏此時尙無從說起也

審查委員會爲張弧推行九六公債之一種機械乃由查賬而有參案有參案而張氏出走此皆因果相反之一種把戲也一說謂張氏於組織此種委員會之用意極深彼以爲各疆吏之反對九六公債實有慫動者因之疑及前任之財當局欲藉查賬一事以作報復又以老董爲人性本固執可以破顏幹去將借以爲機械無妨使老董博一風烈之名而負得罪人之實於是力推薦之推荐既成老董又在總統面前聲明種種

所應有之權限已預作盡力辦去之地步張弧聞之而後喜可知也不意查賬之結果爲張氏所不及料者有兩事第一查出張氏前任之七百萬短期借款亦有不實不盡之嫌疑第二牽涉本人之事件一並揭出未有隱秘關於第一項實有使張弧不能不疾走者計其影響亦有兩方面第一前任之後卽方爲新近反對九六公債之主要者陡然於疏通未告妥協之時而有此種舉動顯然示反對方面一種報復態度反對之聲浪必且爲之增長九六前途殆已絕望本身地位亦極危險故不得不疾走第二前任亦卽今長之同僚於極力合攏不能粘附之時機突然有此種事件發生實使同事之間見面爲難故又不得不疾走昨接近張氏方面傳出消息直謂某閣僚有排擠張氏之行徑故張氏不勝其忿忿而去者從此種消息之反面玩味之亦足以證實第二項之不得不走之爲事實也至牽其本人事件一節在張氏於一走外尙有索性借此與其前前任一拚之計畫無如第一項關係太重已使其不能不走能否得與其前任一拚在張氏實已不遑計及之矣

至查帳問題之情形已可從兩方面看去在董康方面大有整飭法制威嚴之氣勢必欲藉此時機一施展之而總統方面對於內閣前途混沌不了之際殊不願再興大獄

若便譴責一二員司了事恐於此次風聲緊急之際不易再作敷衍故近中亦頗躊躇於消弭辦法惟董康於閣議時又提議檢舉歷次財政舞弊人員辦法八條立要關員連署送府乃幾經頓挫始由董氏以呈文行之聞已遞交總統其原文如下呈爲財政紊亂擬請從嚴整頓以清積弊而鞏固國基恭呈仰祈鈞鑒事竊康自被命爲償還內外短債委員會會長壘次晉謁鈞座秉承盡籌慎重將事伏查財政紊亂其源已久近數年來財政當局罔顧國家根本命脉所在一意賒削以充私橐長此以往若不嚴加整頓將來任憑各項收入加至如何程度國家危機如故也康平素以摘奸發伏爲職志此次蒙畀以審查重任但期爲國家勉效職務未能爲少數人分謗查上年頒行修正官吏犯職治罪條例本較暫行刑律爲重惟條文取賅括主旨援用之時拘文牽義貪墨之徒反得逃法網之外自非就該條例宗旨詳爲引伸不足以資懲創此次審查結果爲查有左列各款一兼業銀行對於本部爲投機事業者一以私人款項假託商號重利盤剝者一經發不切要之款項從中勒取回扣者一淆亂收支之定法從中侵蝕者一收集債票庫券與部內抵銷實款者一未得許可擅處分債庫券及其餘有價證券者一未得許可擅移渡鉅額之債項者一未得許可擅處分債庫券及其餘有價證券者

以上種種弊竇應即提交法庭按該條例懲辦又審計院審計事件率事隔經年累月之賬簿亦有並未送核者事過境遷其中證據有無偽造未經揭告無從證明應由該院組織特別審計委員會關係該部逐日現款出入專司稽核倘查有不符及前項情事立予舉發依法辦理庶明真相而昭大信管見如此是否有當謹具文呈候鑒賜批令祇遵謹呈大總統署司法總長董康按照以上呈文已足徵董氏將主張到底非法律解決不可而一方面消息則謂參案中已經列有儘先懲辦者為歷次嘗理財部事務之五要人總統方面雖表示難以為情聞董氏苟無一種後援亦絕不至強項至是果烈烈烘烘到如何地步吾人甚願拭目俟之也

●延軍日警武裝越界交涉

琿春消息吉林琿春密江地方駐有延吉警察廳第二警察署第三分署日前該分署警士趙守庸巡查至管界河東屯韓人社社長李英根家見有武裝日警四名韓人繙譯一人當即進前盤詰因何至此有無護照該日警出言強橫答以未有護照亦未掛號華警遂回分署報告該分署長趙佐才當派巡長何全福兩次親請日警到署茶話以便其自行聲明掛號而備飭警保護出境免遭途中之危險藉篤中日邦交不料均被

竣拒第三次分署長親去敦請始到分署畧談少許質問行止路徑索閱片均身幸均均以無有爲詞其所帶中國語之通譯一言不發及操日語過詢至再日警官僅云保護領事的不言前往何處亦不聲請掛號分署長答以領事未到密江日警究屬何爲全身武裝無護照不掛號難以保護准予通過如掛號卽放行否則祇有照約扣械阻止前往以免遇匪有危生命該警部長民野靜男不允扣械勢甚凶橫正在用甲語爭執間適有駐密江陸軍一團二營八連劉排長督兵放哨經過分署協助該警始將槍彈交出計六輪手槍五枝藥彈八十九粒警笛一個捕繩三條並未扣留他物當陸軍到署時日警不服繳械劉排長強制執行以致雙方衝突勢將用武分署長趙佐才極力攔阻祇以人多勢衆日警始行繳械案關日警無照旅行分署長未敢擅專遂將日警連械一併解送駐璵警察第二署該署署長白雲深當將日警部長民野靜男及通譯崔璠楚請入客廳善言安慰優待異常並邀日本官警備設飲饌以友禮招待詢問出發日期到密被阻情形據民野氏答稱係奉駐璵領事令赴美山辦理公務不料到密江被貴三分署警士查見遂將如何阻止如何強制繳械如何中國軍警互相打架如何緋譯受傷如何綁送來此假粧被打態度捏造被欺言語白署長遍觀日警緋譯

等均無傷痕以友誼相關未履行正式公文手續當即商同璦春縣王知事將扣留槍彈等物眼同逐件發還民野部長溫語送回駐璦領署遂將駐密江第三分署扣留日警槍彈禁阻自由行動情形咨請璦春縣知事向日領提出正式抗議璦春縣署旋准日領照開案據巡查部長民野靜男報稱爲保護取締僑居帝國臣民之必要曾經率帶巡查四名前赴地方視察詎在密江地方被貴國警察官及軍隊將所携武器卸下並施以捕縛監禁毆打強奪等之侮辱等情查此案事頗重大自應候報告上司之後再行交涉特先通知等語查日本武裝軍警不准在我領土自由行動公法所在昭昭可考不但我國如是各國均爲例案果日警有必須出人境界時或旅行或辦公均應照請我國軍警機關轉飭所屬保護以免途中遇匪而盡保衛友邦職責否則一旦不測誰任其咎若云武裝日警可以自由通過不予阻止何中國武裝軍警途經韓境概行將械扣留歷歷可考有案可稽此次第三分署長以其既無護照又未報告聲明私過中土而入韓境扣械阻行可謂正當之辦法照約之施行保護之摯誠毫無侮辱之惡意於其間也當正義昌明世界雖恃強權亦須講公理而日領竟誣以扣械阻行事頗重大預爲將來交涉地步其蠻橫可云極矣



專件



●山東條約披露

華府會議告終數年來國民奔走呼號之山東問題業已一日解決二月四日下午五時中日兩方代表在大美館內當許斯貝爾福之前正式簽字其中字句多係力爭而來自開議迄今種種經過及其條約全文當為吾國民極端注意茲先將條約原文列下再及經過之詳情

二月四日兩方簽字之條約共正文二十八條附錄六條尙有其他微末之點未列條約而為當時磋商時同意者另編條文作為一種（了解）現正在校訂之中條約原文係用英文因會議時兩方皆用英語英語又為此次華盛頓會議官語也兩方代表同簽兩份一存日本一歸我方其全文如下

關於山東問題解決條約

中國與日本均深願關於山東各問題和平解決使合公同之利益用議定一解決此類問題之條約併任命全權如下

中華民國大總統

施肇基 特派全權公使

顧維鈞 特派全權公使

王寵惠 前司法總長

日本天皇

加藤男爵 海軍總長

幣原男爵 特派全權

埴原 外交次官

以上各員互證全權無誤特議決以下各條文

第一節 歸還前德膠州租借地

第一條 日本應歸還前德膠州租借地於中國

第二條 中國及日本政府應各派委員三人組織一聯合委員會訂立併實行關於

移交前德膠州租借地行政權及公產之細則併處理其他相同之事務
聯合委員會應於本約有效時集會

第三條 前條所云前德膠州租借地行政權與公產之移交及其他事務之處理應
及早完竣至遲不得過本約有效後六個月

第四條 日本政府於移交前德膠州租借地於中國時允將關於移轉行政權所必
要或爲中國將來管理該地及沿膠州灣五十開羅米達地帶所需用之一切卷宗
註冊地券圖樣及其他公文在日本手內者一並交還中國

第二節 公產移交

第五條 日本政府允將前德膠州租借地內所有各種公產包括地段房屋工程建
築等無論爲前德所有或後來日本買得或建造者一併歸還中國惟除外本約第
七條所指之各種

第六條 前條所云移交之公產中國政府無須給付償價惟日本政府所買得或建
造之公產或於前德產業上曾爲修理或加造者中國政府應依使用減損之價格
給與日本政府以平均公允之償價

第七條 前德膠州租借地內之公產如爲在青島建築日本領事館所需要者應仍歸日本政府保留又如日本人民團體所需要者包括公學祠廟及墓地等類應仍留於該團體之手

第八條 關於前三條之細則應歸本約第二條中所定之聯合委員會規定之

第三節 撤退日本軍隊

第九條 現駐膠濟路沿綫及其支綫之日本軍隊及憲兵應於中國軍警開選前往接該路時立即撤退

第十條 前條所云中國軍警處置及日本軍隊之撤退得分段實行每段撤兵之完竣日期應由中日兩方主權者預先分別規定

日本軍隊完全撤退應在三個月內否則至遲亦不得過本約簽字後六個月

第十一條 日本在青島之衛兵應於移交前德膠洲租借地時同時完全撤退至遲亦不得過移交後三十日

第四節 青島海關

第十二條 青島海關應移於本約有效時成爲中國海關之完整部份

第十三條 一九一五年八月六日中日兩國關於重設青島海關之臨時條約應於本約有效時作廢

第五節 膠濟路

第十四條 日本應將膠濟路及其支路與各種附屬產業包括碼頭棧房及其他類似之產業一並移交中國

第十五條 中國允給日本以前條中所云各種鐵路財產之實價

給償實價之中應包括五千三百四十萬六千一百四十一金馬克（此為德國遺下時之定價）或其等價加上日本管理期內所歷費修理或加造之數減去使用減損後之相當免償兩方諒解關於前條中所云碼頭堆棧及其他同類產業無須給償惟為日本管理該路期內所為之修理及加造者應另給費減去使用減損後之相當免償

第十六條 中國及日本政府應各派委員三人組織一鐵路聯合委員會以前條所定為根據估定鐵路財產之實價併為移交該財產之佈置

第十七條 第十四條中所云鐵路財產之移交應及早完竣至遲不得過本約有效

後九個月

第十八條 爲實行本約第十五條中之給償中國應於膠濟路移交完竣時同時以中國國庫券交付日本以鐵路財產及收入作保期限十五年交付五年後無論何時中國得爲部份或全部清償惟須預先六個月通知

第十九條 前條所云之國庫券未還清前中國政府將選派日本人一名爲事務總管又一名爲總司計與中國總司計會同襄辦事務以國庫奉還清時爲限以上職員應在中國督辦指揮管理監察之下併得因有理由與以免職

第二十條 關於國庫券之財產細則屬專門性質本節未曾規定者應由中日兩方及早合同決定至遲不得過本約有效後六箇月

(未完)



遊記

●海寧觀潮記

仲魚

去歲予在嘉興故居時曾作海寧觀潮之行而當時情景頗有可觀茲追記之以供未嘗往觀潮者之一覽焉

陰歷八月十六爲校中成立紀念之休假日再加中秋並星期計四日於此四日中作何消遣百思不得忽憶八月十八日係錢塘江潮最大之日嘗聞觀侯夫子教授地理時形容潮來之狀至詳且悉仍以不得目覩爲恨今有此機會何不邀伴赴海寧一觀勝景以副實地研究之志計定告之家叔嬸均贊同願行遂於十七日由嘉興乘早車至斜橋計里六十三票值三角五分而爲時已過午急登岸沿城行不半里至大東門外見有壘石築爲塘岸者蜿蜒迤邐自東而西其長度不知終極趨赴塘岸觀潮者人約數萬街衢爲之塞西人專車往觀者亦近百餘人昔唐人詠觀潮詩有萬人空巷

斷新妝之句今與古蓋不異其情也石塘高約三丈水退時塘脚浮椿盡露見海灘焉江面之闊大於春申數倍是時僅見遠山數點水天一色少頃聞人聲鼎沸咸曰潮來潮來余急矚目而望尖山東崖際水勢陡然撲立突起一直綫作白色奔騰礪礪翻江倒礮迅厲激射瞬息千里先如魚龍之戲水旋起旋滅繼如雲霞之出岫愈噴愈夥其迅也如廳輪電車之驟至其勇也如千軍萬馬之莫當其鼓之而成聲也如春雷之發乎天上而衆竅俱暗其聚而作勢也如白雲之堆乎地中而浪花飛舞不數分鐘滾滾驚濤已掩面而過矣潮高之處水陸漲丈餘一海中若有兩平面亦奇矣哉至觀潮亭水行畧緩復急從兩旁上溯如張左右翼中成半月形土人稱爲元寶潮咸謂潮神主之有此異象予頗疑之欲窮其究竟而不可得迨潮向西而去水勢大漲浪激塘岸砰然作聲甚或上潑濺觀者衣水帶海底泥沙色黃而濁是時立岸觀者萬頭攢動歡聲雷震西人則持快鏡以攝影漸旣去而海船帆影連檣而至蓋皆乘潮勢以上水也迨觀者如鳥獸散余等卽沿塘向東往小普陀旁之測量局該局西間壁有餘屋技正與家叔爲友好是夜遂下榻焉下午步行入海甯東門內玉廟宮聞係雍正帝所建以封其兄十三太子爲潮神者也建築非常莊嚴階級欄干看柱等皆用雲南白玉石爲之

鐫刻之工細琢磨之瑩潔其工程直與大內無異求之東南各寺院鮮見有此壯麗信爲皇家建築物廟後有御碑亭一座碑高丈餘字小碑高恨讀之不能了也此間無廟祝以致鳥糞堆積蔓草荆榛荒寒殊甚吾國人之不能保守古蹟幾如一邱之貉可堪浩嘆海濱尚有陳閣老故邸亭臺邱園佈量頗佳以時間已晚未得一游殊爲憾事信步回寓晚餐後坐談片刻卽休寢時普陀廟值進香期老嫗千數百人咸跌坐廟中竟夕宣佛號其誦經之聲恍與潮聲相應答半夜未能安神至一時許家叔促呼予起觀潮卽至小普陀東首立於柴塘上是塘突出石塘外成半圓形亦工程上殺水勢之建築也對岸亦然觸目江心茫然無際第於月色朦朧之下聞水聲衝擊自遠而近白浪翻盪迨撲柴塘潮水爲之停阻經此回擊復轉向中流其勢益急始悟昨日所見中流作半月形者卽此理也於夜深人靜之時獲覩此濤頭一綫之奇狀不覺塵俗之念煩慮之思都付滾滾潮流而去豈不樂哉潮後歸寢安臥達旦明晨早起膳後仍雇舟至斜橋趁火車回嘉



談叢

●學稼軒詩話

隨園詩話載某君詠背而美人圖有句云幾度喚他他不轉痴心欲掉畫圖看一時推爲絕唱頃見蘇汀君所作五言描寫入妙較之某君殆有過之無不及焉孰謂古今人不相及耶其詩云一幅丹青寄此身不呈色相不生嗔既然妍醜難思議圖畫如何號美人從教北地採胭脂難得梳妝樣入時儂是佛家無我相省他當面判妍媸祇爲狂耶太認真背郎偷作畫中人他時檢點羣芳譜記取前身卽後身爲郎憔悴到如今萬種情懷苦自禁不是阿儂不回顧恐郎知面不知心靦然面目向人難憐取卿卿如是觀往事不堪回首處勸君祇作畫圖看名士筆美人影栩栩如生呼之直欲出也

丹徒周石君先生工詩昔年爲山西太守時公餘之暇每邀朋輩唱和與王父元爲莫逆詩筒往返日無暇晷儒吏風流於此可見一斑所著有水流雲在館詩鈔倚月樓詞鈔等詩宗杜蘇清淺處又似劍南是殆融合衆家之長而自成一家歟記其寄內詩云

秋鴻消息遞燕雲一種離懷兩地分寄語每勞商出處加餐猶復致殷勤但能自愛勝憐我不說相思恐累君知否西風搔首處又看木葉下紛紛出詞老鍊雖爲言情之作而脫盡兒女忸怩之習氣可與杜詩月夜一首相頡頏然此等處非先生之所長也不過舉一反三使讀者可以窺見先生所學之深耳其他佳篇甚多但苦不甚記憶僅記數聯如雷送峯頭兩山驚谷口風文從降格論原易棋到平心著始難老我愁深添鬢雪懷人詩好愈頭風但丁傀儡逢場戲便算聰明絕世才但得百年容我醉不爲萬事讓人多音調格律皆似唐人置之庶詩中可亂楮葉

●著高跟鞋之害

陳竹心女士

高跟鞋頗流行一時滬地爲量教會女學生著者尤多其鞋跟之高度自一寸至二寸許不等以爲非此不足以競妍爭美考其爲害與束乳纏足及西婦之束腰不相上下爰述其害如下

(一)妨礙生育 人著平底鞋時可由其頭頂作一垂直綫以達其腳心使人成穩固平衡若於腳跟加高時復由頭頂作一直綫以達其腳心則此綫必向前傾斜與本來之垂直綫成一角度此時人勢必向前撲若欲得穩固平衡則非將下部較重之尻骨

盤向前突出不可尻骨盤內子宮在焉子宮爲受精育胎之所在其構造之精細可待言今易其天然之位置則其生產之效能失矣因此致不育症者十九不治

(二)成灣脊骨症 如上述著高跟鞋時因欲得穩固平衡將尻盤骨向前突出同時近骨盤之脊骨亦隨之向前灣曲成灣脊骨症矣婦女常因此得劇烈之背痛者甚多且使身體軟弱不能受勞苦

(三)摧殘神經 細察足之構造則知祇足之前部球形骨及足跟二部着地足心則成弓形並不着地全身重量宛如置於一弓形之彈簧上使全身不受激烈之震動(此理見人力車之彈簧即可恍然)行走時脚底成斜勢脚跟所在較脚尖高故不著地脚尖則着地全身重量亦落於此脚尖着地有彈簧性故行走時可使全身不受激烈之震動著高跟鞋者其全身重量集於脚跟行走時以後跟重觸地無彈簧性以減少其震動神經系經激烈震盪後安有不損壞哉

美
景



四



瑣聞

●不准外人測繪險要

省公署頃准內務部咨畧謂領土之權爲本國所獨享萬不容外人私自測繪惟自近年來申外交通往往外人以遊歷爲名私至內地測繪險要將來倘有戰事發生則何處宜駐兵何處宜設防必致瞭如指掌此種事項有損於我國主權者甚大急宜設法禁止嗣後凡赴該處遊歷之外人其携有護照者除切實保護外並須防其私自測繪否則概行禁止以重主權云

●部令保存古蹟

省署頃准內務部咨畧謂我國立國最早歷代遺留之古蹟亦最多惟以不知保存以致淹滅殆盡加以外人不惜重資其可以移動者率恣情收買輾轉流移於外人之手者亦不乏數亟應設法保存以重古物此後除不准變賣外並希轉飭所屬分門別類

詳細調查報部等語聞省公署准咨後當即飭令各縣遵照部令詳細查報以便早日彙轉云

●法校遷移地點確定

本城法政專門學校自遷至江南後一水隔絕困難之處各報多有記述而其舉步大者則爲本年自開學以來轉瞬彌月而正式上課不過七六小時大好光陰等於虛擲姚校長有見於此特將種種困難情形面陳周教育廳長並謂如不遷至江北下屆招生必致無一人應考因此始得周廳長首肯復指定區立第二高等舊址爲法校校舍其所遺江南校舍或農工學校遷往或歸縣接收至今尙未一定云

●令催報俄僑數目

吉林省公署以俄難發生俄僑之來吉避難者日見增加前曾令飭各縣詳細查報以備查核惟遵令具報者尙屬寥寥聞王代省長爲慎重旅吉俄僑確數起見現復通令各縣知事迅即遵令調查列表呈報以憑彙核云

吉長路派員購鎗

吉長鐵路局以沿綫各處胡匪迭起爲保護乘客安全起見特呈請交通部添募護路

警察若干名惟以鎗械缺乏特派課員丁鴻謨赴奉在巡閱使署請求發給轉運執照再行赴滬訂購新式步鎗一百枝子彈二十萬粒以免沿途發生阻碍云

●改良農業計畫

我國農民向來抱守舊主義不思改良以謀振興洵憾事也頃聞實業廳准農商部令畧謂我國土質宜農歷代相傳率以農業爲立國之本本部茲爲提倡農業起見特規定辦法三項仰卽遵照辦理(一)採辦外國佳種改良種棉(二)廣植樹木以謀振興林政(三)勸導人民多種藍靛以減少外國染料之消場聞馬廳長准令後當卽轉飭各縣遵照云

瑣
聞



中華民國十一年四月一日出版

第二十八期

價目表

期數	每期一冊	一月三冊	半年十八冊	全年三十六冊
定價	大洋一角	大洋三角	大洋二元八角	大洋三元六角

無論省內省外定閱本報一律不取郵資惟報費須先惠交以便發報報資用郵票者八折空函定報恕不作覆

廣告價目表

期數	頁數		每月三期	每旬日一期	每旬日一期
	全	半			
全年三十六期	四十八元	二十四元	八元	四元	二元
半年十八期	二十四元	十六元	四元	二元	一元
三個月九期	二十元	十元	二元	一元	五角
全年三十六期	四十八元	二十四元	八元	四元	二元

右表列廣告費按大洋核收

主編

任輯

關潤

鍾章

關巖

韓樹

梅

祖武

祖武

繩武

繩武

祖武

繩武

繩武

發行所

吉林巴爾虎門觀音堂內院

印刷所

吉林商務同行印刷局

48

1871

1872

1873

1874

1875

1876

1877

1878

1879

1880

1881

1882